



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

ISINDEBELE ILIMI LEKHAYA (HL)

IPHEPHA LESITHATHU (P3)

2023

IMITLOMELO: 100

SIKHATHI: Ama-iri ama-3

Iphepheli linamakhasi ama-6.

YELELA

1. Iphepheli LINEENGABA EZIMBILI, u-A no-B.
ISIGABA A: Amatheksthi wokuzitlamela (Ama-eseyi) (50)
ISIGABA B: Amatheksthi wokuthintana (2 x 25) (50)
YELELA: Abafundi bakatelelekile bona baphendule MIBILI imibuzo KUSIGABA B.
2. Phendula umbuzo OWODWA ESIGABENI A kanye nemibuzo EMIBILI ESIGABENI B.
3. Tlola ngelimi ohlolwa ngalo.
4. Thoma ISIGABA ESINYE NESINYE nombuzo OMUNYE NOMUNYE ekhasini ELITJHA.
5. KUSIGABA A kufuze uhlele (usebenzise umebhengqondo, idayagramu/ Iflowutjhadi/amagama amumongo, njll.), uqinisekise bona umsebenzakho awunazo iimphoso. Ukuhlela kwakho akuvele nofana kubonakale NGAPHAMBI kwe-eseyakho.
6. Ukuhlela kwakho ukutlole kuhle kubonakale ekhasini lokuthoma bese uthoma i-eseyakho ekhasini elilandelako.
7. Isikhathi esiphakanyisweko sokutlola ISIGABA NGASINYE:
ISIGABA A: Pheze imizuzu ema-100
ISIGABA B: Pheze imizuzu ema-(2 x 40) 80
8. Tlola iinomboro zeempendulo zakho zifane patsi nangendlela ezinonjorwe ngayo ephepheni lemibuzo.
9. Isihloko asingabalwa nakubalwa inani lamagama.
10. Tlola ngesandla esihle nesibonakalako.

ISIGABA A: AMATHEKSTHI WOKUZITLAMELA (AMA-ESEYI)**UMBUZO 1**

Khetha isihloko ESISODWA utlole ngaso i-eseyi engaba magama ama-340-390.

Kufanele utjengise ukuhlela kwakho (kungaba ngokukodwa kilokhu: umebhengqondo/idayagramu/iflowutjhadi/amagama amumongo, njll.).

- 1.1 Into owangenza yona iyokuhlala isekhumbulwenami. **[50]**
- 1.2 Ngabona ngaye bona nami ngingaphumelela epilweni. **[50]**
- 1.3 Ngalemuka mhlokho bona ifundiso yababelethi ingcono kuneyabangani. **[50]**
- 1.4 Ukuhlangana kwami naye kwangenza ngaba ngilomuntu enginguye namhlanje. **[50]**
- 1.5 Amalungelo angumasiza abulale. **[50]**
- 1.6 Ukuzimadanisa nabanye abantu kungakwenza ulahlekelwe similo nendlela yokuziphatha. Vumelana nofana uphikisane nesitatimende. **[50]**

Qalisisa iinthombe ezingenzasi bese ukhetha ESISODWA utlole ngaso i-eseyi. Tjheja: I-eseyakho nesithombe kufanele zikhambisane kuhle.

1.7



[Sithethwe ku-www.images.com]

[50]

1.8



[Sithethwe ku-www.images.com]

[50]

IMITLOMELO YESIGABA A:

50

ISIGABA B: AMATHEKSTHI WOKUTHINTANA**UMBUZO 2**

Khetha iinhloko EZIMBILI bese utlola ngazo ngamagama ali-100 kufika kwali-120 isihloko NGASINYE.

2.1 INCWADI YOBUNGANI

Uzwe bona umnganakho okhule naye newazi isimilo sakhe uhlangana nesiqhenyana sabesana ebesibotjhwe ngemva kokudlelezela umnikazi wesitolo ongewokufika enarheni le. Mtlolele incwadi umyelelise ngobungozi angahlangabezana nabo nange angaragela phambili nokuzibandakanya nesiqhenyanesi.

[25]**2.2 UMLANDO KAMUFI**

Kuhlongakele umalumakho ebegade kunguye onitjhejako njengombana kungasanamuntu osebenzako ngakwenu. Umndeni ukhethe wena ukobana utlole umlando wakhe. Tlola umlando ozokufundelwa abantu abakhambele umngcwabo.

[25]**2.3 I-INTHAVYU**

Umumuntu ozinikele ekusizeni abafundi ngemisebenzi yabo yesikolo. Lokho kukhwakhele igama elihle tle emphakathini bekwafika neendlebeni zomrhatjho womphakathi wangekhenu. Njeke abaphathi bomrhatjho bathumele uZodwa ombiinkindaba bona azokukhulumisana nawe ngomsebenzi omuhle owenzako lo. Tlola i-inthavyu ebe phakathi kwakho nombiinkindaba lo.

[25]**2.4 IKULUMO EHLELEKILEKO**

Endaweni yangekhenu kuzabe kubanjwe umnyanya wokukhuthaza abantu abatjha ngokuziphatha ukwenzela bona bangangenwa malwele angalaphekiko. Emnyanyeni lo kumenywe nabaphathi bomNyango wezamaPhilo wesiFunda sangekhenu. Abahleli bomnyanya bakhethe wena ukobana kube nguwe ozokwethula ikulumo. Tlola ikulumo ehlelekileko ozoyethula emnyanyeni lowo.

[25]**2.5 I-AJENDA NAMAMINITHI WOMHLANGANO**

UnguNobhala wehlangano yelutjha esungulwe ngomngqopho wokwakha amaqhinga ngokungenziwa lilutjha ukuze libe nemadlana elingazenzela yona njengombana inengi lalo lingasebenzi. Nibize umhlangano lapha nimeme khona nabosomarhwebo bendawo yangekhenu ukuzokukhulumisana ngendima abangayidlala ukurarulula umraro lo. Tlola i-ajenda namaminithi womhlangano lowo.

[25]

2.6 I-ATHIKILI YEPHEPHANDABA

Kunesiqhenyana sabantu abakhamba bakhohlisa abantu abadala sibatjele bona umjovo we-Covid-19 uyabulala. Tolela iphephandaba langekhenu i-athikili uyelelise umphakathi ngeenkulumo ezinganabufakazi ezikhulunywa siqhenyanesi ngomjovo lo.

[25]**IMITLOMELO YESIGABA B: 50**
INANI LOKE: 100